



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二六三

思齋存草四卷 鄭愛貴撰

一

冬心先生集四卷 金農撰

四五

冬心先生續集二卷附補遺續補遺冬心先生三體詩一卷

冬心先生甲戌近詩一卷 金農撰

八三

瘦瓢山人蛟湖詩鈔四卷 黃慎撰

一一一

靜寧堂詩集不分卷 朱定元撰

一六五

雲溪文集五卷首一卷 儲掌文撰

二六五

復初集賸稿一卷 王璣撰

四七五

酌古軒詩集三十卷 吳其琰撰

四八五

余兄弟二人名曰愛國曰愛正以王音
訛國字爲貴自康熙癸酉

皇長子直郡王奉

敕五臺進香

貴

年七齡與弟愛正由山右本籍

隨至京師得面

至尊又三年

命入瀛臺萬善殿之東廊讀書至己丑庚寅辛

卯三次隨

思齋存草

序

駕熱河壬辰回舊處讀書又七年己亥

御前考試詩文仍留隨侍又四年壬寅冬月

憲皇帝選入兆祥所侍

聖祖皇幼子幼孫講誦雍正元年五月仍調進

宮在隨侍處行走二年九月

恩賜七品頂帶三年加御書房首領九年特晉

一階授六品銜我

皇上御極之元年奉

思齋存草

恩命兼管懋勤殿首領事自維

三朝恩遇之隆夙夜小心竭力供職未嘗有寸

長報効惟是仰蒙

參養厠於讀書之列紀

恩述事每有謳吟不敢自信爲詩然平生心

血未忍湮沒薈萃得若干首傳示子姪

輩倘能讀書閒時展閱亦以見

聖恩教養之不易得而貴年近七十矣遭際

思齋存草

序

聖明實爲榮幸謹記於此用誌不忘云爾

昔乾隆十五年夏日堯都鄭愛貴思齋

自序

題詞

憑將月令譜詩情閒對晴牕好鳥鳴想見春風
來硯沼桐華萍葉應時生

避暑山莊散鬱蒸滿前清景勝含冰問誰解作
蓬池詠競許

中朝敕使能

高傍珠宮玉殿中陰腸偏愛鬪人工分明點筆
裁牋處剔盡深宵蠟炬紅

思齋存草

題詞

龍旗隊裏錦連錢山水都歸翰墨緣竟體無塵

仙到骨

三朝身侍

聖人前

漫士裘曰修

思齋存草卷之一

七十二候詩

有序

康熙五十三年甲午夏扶風葛老夫子手
著歲功闡一編言簡理該瞭如指掌余潛
玩久之稍覺領悟一二偶於課讀餘暇聊
據所見以約畧其槩夫天地無心而成化
時行物生亘古如斯究其所以迭運於無
窮者要不外陰陽二氣互爲消長本對待

思齋存草

卷一

之體爲流行之用推遷寒暑而歲功以成
此其大較也就一歲之中詳析之有四時
有八節有二十四氣更有七十二候而始
終於是乎備其間日月之運行風雷之鼓
動飛潛動植之起伏榮枯莫不有自然之
節候一定之次序循是以求陰陽翕闢之
機洵有歷歷不爽者因不揣荒陋按候各
成一律非敢謂仰窺天道亦以表見吾師

之指授淵源有在中心敬誌之長似執經

請業時耳

東風解凍 正月六候

纔得微陽一點通
漸看涸沍變和融
春回芸館迎新氣
冰解河橋轉惠風
凍柳欲抽千縷碧
寒梅暗褪幾枝紅
從茲萬象爭先發
造化潛施次第功

蟄蟲始振

思齋存草

卷一

二

谷風習習暖初回
破壤昆蟲竅始開
生意正蘇蘇欲起
陽光微動動頻催
墻根穴拆何須補
石罅泥分不復培
冰雪漸融寒漸斂
跂行喙息各徘徊

魚陟負冰

冰烘麗日凍將開
魚逐陽升漸上來
雲母屏中堪戲泳
水晶宮裏樂徘徊
佇浮池面因春促
旋激流澌爲候催
從此蒼生待霖雨
好聽天際一聲雷

思齋存草

聲雷

獺祭魚

春來水獺向溪邊
善捕新魚入碧淵
有技克擒知報本
乘時取薦儼崇先
擇巢解按高低勢
審穴因占旱澇年
江海悠悠誰與共
且隨儕輩上漁船

候雁北

烏中惟雁獨隨陽
此日羣離湘水傍
向托異鄉

思齋存草

卷一

三

因避冷今回故國
又成行爲辭微燠
從南返敢怯餘寒
向北翔錦字好傳
關塞外遠看雲路
杳茫茫

草木萌動

輕冰漸解日初長
草木回生盡向陽
歷盡餘寒舒嫩甲
喜逢新暖擢纖芒
瀛洲徧地將鋪錦
灞岸千條欲染黃
須識春光來次第
淡紅濃綠逐時芳

三

桃始華 二月六候

春光先度綺羅家第一天桃早著花似帶酡顏
臨几席漸添紅暈透臆紗芳苞初拆含香露嫩
葢將舒映曉霞轉眼蝶蜂鳴得意萬株成錦好
生涯

倉庚鳴

韶華初度聽倉庚瀏亮如簧譜作聲楊柳陰中
聽嘒嘒鳳凰池上按輕輕陰還伏處喉偏滑陽
思齋存草 卷一 四

正升時舌倍清應候恰當春二月催教蠶婦採
桑行

鷹化為鳩

秋日爲鷹春變鳩細推物理始知由萬家烟雨
相呼喚遍處桑田任逗留隴上勸耕心最切林
中毆雀性全收感禽羽化機堪悟仙道原非向
外求

元鳥至

元鳥飛來春乍長擇居應亦費商量華堂茅屋
隨棲止柳陌蘭閨任顚顚兩兩穿花開鍊剪輕
輕貼水掠芳塘物情不與人情別伏卵營巢日
夜忙

雷乃發聲

漸喜陽和地底生兩相搏激有雷鳴雲端初碾
轟轟軸天際時聞隱隱聲須信力微聽未遠可
知陰勝響猶輕應期與雨甦羣物振醒昆虫蟄
思齋存草 卷一 五

盡驚

始電

日前曾聽初雷動近見雲頭電始生力薄未馳
百里外光微徐閃一條明忽藏忽滅迹難定時
下時高影尚輕直到甘霖人望切金蛇急掣雨
如傾

桐始華 三月六候

開盡天桃度艷陽梧桐花萼始芬芳高枝向暖

舒新紫碧葉攢雲絢曉光金井月明還帶露玉
堂風靜暗飛香待將結實成陰日好向丹邱引
鳳凰

田鼠化爲鴛

鼠伏田間久未舒一朝逐候化爲鴛革前面目
今非舊新苗翎毛不似初展翅欲飛身怯怯斂
形將躍意遽遽堪憐微小穴中物也得乘時上
太虛

思齋存草

卷一

六

虹始見

入冬踪跡杳難明又覩春虹特地生五色忽從
天際耀一灣始向海東橫恰當日照反相射却
是陰疑乍結成倘被密雲都揜盡須臾黑暗雨
隨傾

萍始生

楊花如雪滿春城落水爲萍縱復橫浮去不愁
風浪險聚來常見葉雲輕須憐隨處能棲寓却

喜無枝自長成莫笑物微關月候乘時盡欲感
陽生

鳴鳩拂其羽

布穀聲中費苦辛隴頭終日喚耕人昂然擊拂
非無意驟爾飛騰自有因綠柳堤邊喉舌緊青
桑陌上羽毛新年年節候相關爾鼓動天機在
暮宵

戴勝降于桑

思齋存草

卷一

七

由來戴勝無恒處始降因時得所歸隴上已經
催布穀桑間初見整毛衣綠陰叢裏輕輕舞紅
樅枝頭緩緩飛侶惜春光留不住碧紗牕下促
鳴機

螻蛄鳴

四月六候

積陰土濕任穿行夜雨晴來暗有聲時向塘邊
傳細籟屢從林外咽寒更月明小院驚鄉夢風
動虛牕觸遠情節序正當初夏日纔經薄暑著

人輕

蚯蚓出

蟄虫早已起雷聲蚯蚓緣何曲不行應是穴深
難出土直須夏屆漸舒形幾經鳩語猶潛伏一
聽螻聲相和鳴久屈思伸今自得好將廉節傲

王瓜生

王瓜卽土瓜
古刻訛王字

王瓜應候土中穿生自早窪濕地邊要識團根

思齋存草

卷一

八

排次第須看細蔓長連綿到期結實纍纍赤入
夏垂珠顆顆圓莫使老鴉頻啄去滿留架上
看攀援

苦菜秀

有菜郊原處處生卽將苦味喚爲名當春鸛嘴
先抽出入夏黃花早秀成翠葉搖風堪罷採細
根如線喜旁行一年節序推遷裏好課殘編按
候更

靡草死

同與王瓜濕地生如何夭折薺先傾只緣陰類
靡靡細那耐炎威烈烈行不怨春風出太早且
安天分氣原清卻憐小弱還多子未到秋來滿
結成

麥秋至

田間辛苦盼西疇四月清和麥早秋遍歷冬春
看已秀初經蒸熱好全收隴頭日暖黃雲合陌

思齋存草

卷一

九

上風清碧浪浮正及夏中欣有穫禾麻未許作
同儔

螳螂生

五月六候

節候推遷屢變更螳螂仲夏應期生何因怒臂
當車立豈料饑禽逐後行翅薄足高難比類身
長首小任縱橫隨風軒舉偏輕快不愧人呼天
馬名

鵙始鳴

伯勞今始至田家晝永啼多日欲斜繞樹啄時
桑落棧臨流浴處浪生花未聞陌上催耕隴應
向村前勸績麻夏令依稀將過半朝來應候不
曾差

反舌無聲

百舌三春最善鳴緣何入夏寂無聲不同布穀
催耕耨嬾逐鴈鳩喚雨晴靜默有時隨氣候陰
陽應感各分明悠然絕響深林裏鵲噪鴉喧總

思齋存草

卷一

十

不驚

鹿角解

比類相隨相和鳴食苹覓澗繞山行時當夏至
形方固類驗陰生角頓傾側首驀逢難觸壁紫
斑落處識懷瓊年年此際新茸小物理由來戒
滿盈

蜩始鳴

變化隨時豈自由脫將輕殼抱枝頭漫同早鵲

齊鳴夏不待涼蟬共噪秋雨過中天聲轉急雲
開烈日語難收客牕最是愁聽汝正苦炎炎大
火流

半夏生

半夏纔當夏半生一陰方動爾先萌田間粒粒
根初結草際青青葉已成曾把地文爲別號應
知水玉是佳名堪歸藥籠多般用收待秋深未
可輕

思齋存草

卷一

十二

溫風至

六月六候

大地溫溫一氣同萬家何啻在熏籠升騰雲漢
蒸爲雨歷遍樓臺釀作風未送清涼來水閣反
添濕潤到簾櫳人間何處能逃暑徒倚槐陰計
已窮

蟋蟀居壁

蟋蟀由來應候生壁間居止翼初成月明伏處
誰能覓穴閉深藏不遠行將近戶前當夜語未

來牀下作秋聲此時大暑方炎熾莫向機頭驚
婦鳴

鷹始摯

六月炎蒸暑未收卒聞鷹隼過林邱一陰纔復
身初健兩翼輕翻得自謀艸際便思擒玉兔山
前頻見側金眸待將大野寒霜落萬里西風汗
漫遊

腐草爲螢

思齋存草

卷一

十一

濕熱熏蒸腐草深流螢變化識天心露垂難滅
星星火風過時飄點點金微影不能輝皓月清
光長見照陰林相從墅岸藏踪跡地凍霜飛何
處尋

土潤溽暑

濕氣原從地氣升雲亭水榭亦難憑葛衣輕薄
還生鹵竹院陰深尚愛水萬井雲煙當烈照普
天炎炙在籠蒸人間何處堪逃暑須是浮圖最

上層

大雨時行

誰能當夏定陰晴濕熱熏蒸轉眼更烈日忽收
雲乍合溫風倏度雨隨傾輒聞四野雷聲動時
見中天電脚明泥濘雖多農事好家家禾黍賴
秋成

涼風至

七月六候

暑未全消氣未清暗驚節候覺涼生梧桐似有

思齋存草

卷一

十三

蕭蕭致楊柳疑聞颯颯聲尚畏餘炎侵竹簟欲
招爽籟到松棚待將屈指寒期近又見槐花漸
結成

白露降

忽訝微涼近五更肅然露下細無聲輕盈虛白
沾花淨錯落晶瑩映竹明萬點作珠清院宇一
庭似玉晃簷楹誰言生意能多少草木依然尚
有情

寒蟬鳴

憶前當暑有蜩鳴此日寒蟬乃發聲殘柳枝頭
頻頓挫老槐陰裏最凄清迎眸已覺秋光早入
耳先驚節候更每向曉風殘月下涼砧相和度
高城

鷹乃祭鳥

蒼鷹得勢在西風勁節高飛摩遠空每到秋期
情乃見曾經炎暑氣偏雄獲禽不啖藏機密賦
思齋存草 卷一

性雖豪報本同此後平原隨獵去金眸玉爪任
西東

天地始肅

陰陽起伏有虧盈春發秋收應候更白露降時
霜欲結清蟬聒處冷偏生柳黃冒雨蕭蕭影草
敗因風款款聲憶昨炎蒸難度日天寬地濶又
凄清

禾乃登

秋收應候趁天晴此際農家慶阜成比戶將施

春黍確連阡同是刈禾聲已登秉穗頻揚簸復
積倉箱得滿盈知是歲豐衣食足歡欣婦子祝
昇平

鴻雁來 八月六候

塞北霜飛雁又旋怯寒漸欲向南遷蕭條月伴
千山路迢遞書傳五色牋傍晚暫棲紅蓼岸列
行齊起碧雲天凌空不憚途程遠只盼湘江楚
思齋存草 卷一

水邊

元鳥歸

深秋元鳥怯寒歸軟語商量逐隊飛引得侶雛
辭畫棟不容霜雪點烏衣共遵海渚深藏穴好
覓崖端緊閉扉總是知機順時動潛符節候敢
相違

羣鳥養羞

枝間鳥鵲動新聲春月相從葦尾生入夏營養

知伏卵到秋擾擾解謀生各諳節物無多語閒
拂翎毛不亂鳴識得陰陽升降意從來羣動合
天行

雷始收聲

天地纔分一半秋雷聲從此始潛收其如陰極
方難挽須識陽微勢莫留涼雨頻頻垂暮嶺沉
雲暮暮掩高樓黯然宇宙無消息歷盡冬寒靜
處休

思齋存草

卷一

六

蟄虫坏戶

草虫唧唧正爭鳴時值秋深頓息聲將欲飛霜
先瑟縮便思坏戶早經營隨身防慮知先備計
日勤勞敢慢成直待北風均入蟄穴封一線不
通明

水始涸

水因陽暢應時生到處江河汗漫行瀑布猶能
飛遠勢亂流漸欲止雄聲憶前三伏常澎湃纔

過中秋失滿盈溪上望時曾見底石痕齒齒岸
痕清

鴻雁來賓 九月六候

天高霜白晚秋光鴻雁南征信有常呼侶去時
因孕乳避寒來日卻隨陽初辭沙塞如行旅却
望衡湘似故鄉料得主人曾不厭共居大地任
迴翔

雀入大水爲蛤

思齋存草

卷一

七

雀老秋期識化生羣投淵底隱前名欲更形質
依潭水不復飛騰傍屋楹明月靜時思抱孕寒
波潛處忍吞聲從今喜得忘驚懼浪裏飄搖自
在行

菊有黃花

百花春暖共芬芳籬下寒英獨斂藏翠葉却從
秋晚綠清姿徧向雪前黃味甘可泛長生酒氣
厚能凌午夜霜非爲蕭條閑點綴遲留正色驗

重陽

豺乃祭獸

貪獸耽耽獨逞強喙長軀小齒偏剉到秋獲食
心常忍設祭惟時意不忘堪厭有聲多忿戾奈
當逐處太輕狂却因施智不施力百獸由來遜
所長

草木黃落

已近秋深天欲寒西風一吼半凋殘聲傳草際
思齋存草 卷一 六

蕭蕭韻色染林間葉葉丹誰料青葱容頓改不
留綠縟景長看悲涼西望多搖落收斂煙雲眼
界寬

蟄虫咸俯

前從白露已經營露結爲霜戶早成至此深藏
存一息其中固閉不通明首低可驗陽同斂土
塞誰知性尚萌寂寂如如何所待契機春暖動
雷聲

水始冰 十月六候

坎止流行一氣憑陽光斂盡驗陰凝終朝風定
全無浪入夜寒增忽有水每爲暄多難徹底只
因力薄未堅凌路人且莫輕移步待過狐疑始
可乘

地始凍

雲垂雪意暗前峰地凍天乾入孟冬回想炎蒸
衣自鹵又逢凜冽土難鬆平原陽照還同結隰
思齋存草 卷一 九

下陰凝却盡封萬頃寬平無障礙茆檐炙背喜
從容

雉入大水爲蜃

斑雉原因離德成翩翩毛羽最文明水中投火
陽均斂浪底潛身命不傾忘却山梁眠日暖自
沉沙渚愛波清平郊獵射多鷹隼此後何能致
爾驚

虹藏不見

憶昔陰陽並旺時長虹百尺出天池詎知此日
全收影無復當空幻出奇雲葉平敷難一見雪
天將霽幾曾垂而今試問仙源路欲借丹梯更
有誰

天氣上升地氣下降

二氣冬來各有歸上升下降不相依池水涸
陰偏勝山木凋殘陽已微天地若云堪久隔雪
霜何故得頻飛要知否極還生泰節候推遷未

思齋存草

卷一

三

可違

閉塞而成冬

上升下降氣難通萬物俱從閉塞中大地盡封
同剝落遐邇何處問冲融天時改卻暄炎日人
世誰堪凜冽風最苦積陰當歲暮欲尋生意待
天工

鵲鳴不鳴

十一月六候

常聞鵲鳴聲呼切待到陽回意始伸耐過寒冬

身赤赤叫殘午夜語頻頻只緣應候收啼苦豈
是偷安忘報晨此後靜修雙羽翼漸看舒體向
新春

虎始交

由來虎性稟陰生猛厲荒山任橫行傍石磨牙
聲最勇入林求偶獸同驚卻因冷節情歡契直
到寒冬氣感成聞說終年祇一乳緣何三子倍
文明

思齋存草

卷一

三

荔挺出

雪飄風勁正寒天荔挺萌芽出土鮮百草無情
多在後一莖早露更誰先堅冰未解黃河岸春
信旁通閩海邊自負纖柔甘忍耐獨將生意附
陽還

蚯蚓結

蟄虫坏戶禦寒天蚯蚓深居尚自然節應陽潛
蟠槁壤時隨陰降伏黃泉須知夏出何曾早欲

驗秋深結在先待得明年頻雨潤重抒生意土
中遷

麋角解

麋同鹿類不同情愛傍低窪濕處行舊角脫從
長至後新茸好待一陽生要知陰老須當解可
驗時移却自更世事損多方受益堪憐宿定莫
頻驚

水泉動

思齋存草

卷一

三

秋日全收汗漫行而今淮泗岸痕平可知陰歛
無浮泛卻喜陽回得淺清石上細流還澁澁澗
邊穿出漸盈盈生機從此難休息瀉入江河作
浪聲

雁北鄉

十二月六候

故里縈懷肯暫忘寄居湘沚料難常遙知北塞
回春近取次南天整旅翔昔爲嚴霜聊避迹今
堪計日可隨陽歸心欲赴雲程早豈戀他鄉覓

稻梁

鵲始巢

金印呈祥舊有名構巢推爾善經營梁纔架日
春還早戶未安時基已成棲宿每鄰鵲鵲觀飛
鳴好傍鳳皇城從茲伏卵枝頭穩風雪飄零夢
不驚

雉雊

應侯山梁野雉鳴出林求偶兩三聲氣機催動

思齋存草

卷一

三

中難過離德潛茲意早萌不但高宣舒鬱滯只
因相喚達幽情求鳴求牡誰能識聒聒春風入
耳清

雞乳

應陽異木運初行計日鷓鴣雞好抱成正及殘冬
依候伏集來百卵感時生分披兩翼無多起靜
待終朝頗有情膈膊恰當春夜近也知傍母看
燈明

征鳥厲疾

草枯征鳥倍威雄只爲殘冬節欲終雪落荒山
還覓兔雲晴大野喜乘風金眸注射開林莽勁
翮騫騰上翠空此際平原爭奮迅新春屈指漸
和融

水澤腹堅

斯時水結極寒天正是疑狐敢涉淵連日雪飛
晶澈底通宵風勁玉盈川但逢止水凝無隙難
思齋存草

卷一

五

比長流凍不堅莫訝嚴陰生意斷須知微暖在
新年

思齋存草卷之二

熱河三十六景詩

有序

己丑夏選隨

聖駕出口一路風景已應接不暇比至熱河乃
知天上人間迥然各別也幸侍

遊覽得親歷三十六景耳目一新身且飄飄欲
仙矣因不揣固陋各賦一律恭紀勝槩閑
時檢閱尚如神遊其地云

思齋存草

卷二

一

避暑山莊

參差

殿閣倚蓬瀛薄暑全消煙靄輕魚戲澄波蘋藻
動鳥啼深樹管絃清珠簾晝捲山容霽翠館時
看雨脚晴共仰

聖皇遊讌地儼然圖畫似天成

芝逕雲堤

梧杆藻砌映雕題路轉峯迴勢不齊直到仙宮